

Tšepiso



SABATHA MANTSIBOEA

Bakeng sa Thuto ea Beke ena Bala: *Genese 22, Baheb. 11:17, Lev. 18:21, Johanne 1:1–3, Baro. 5:6–8, Genese 23–25, Baro. 4:1–12.*

Temana ea Khopolo: “Abrahama o na a tsofetse, a atetsoe ke matsatsi, ’me Jehova o na a hlohonolofalitse Abrahama linthong tsohle” (*Genese 24:1*).

Qetellong, jolokaha Molimo a ne a tšepisitse, Sara o ile a tsoala mora, “botsofaling ba hae” (*Gen. 21:2*), ’me a mo reha Isaaka (*sheba Gen. 21:1–5*). Empa pale ea Abrahama e hole le ho fela, e fihlela sehlohlolo h’a isa mora’ hae thabeng ea Moria ho etsa sehlabelo ka eena. leha ho le joalo, Isaaka, o nkeloa sebaka ke pheleu (*Gen. 22:13*), se bontšang boikemisetso ba Molimo ba ho hlohonolofatsa lichaba ka “peo” ea hae (*Gen. 22:17, 18*). Peo eo, ehlile, e n’e le Jesu (*Liketso 13:23*). Ka hona, paleng ena e makatsang, (e bileng e khathatsang) boholo ba leano la topollo b’oa hlaloso.

Hore na thuto tsa semoea tse teng mona ke life, lelapa la Abrahama, leha ho le joalo, le tlameha le ile la tsitsingoa ke tsona, ’me bokamosa ba Abrahama ha bo’a hlaka. Sara o hlokahala nakoana fela kamora sehlabelo sa Moria (*Genese 23*), ’me Isaaka o sala e le lesooa.

Abrahama joale o nka khato ea ho etsa bonnete ba hore o tla lateloa ke bokamoso “bo nepahetseng.” O hlophisa lenyalo la mora hae le Rebeka (*Genese 24*), ea tla tsoala bara ba babeli (*Gen. 25:21–23*), ’me Abrahama le eena o nyala Ketura, ea tla mo tsoalla bana ba bangata (*Gen. 25:1–6*). Bekeng ena, re tla latella Abrahama ho fihlela pheletsong ea bophelo ba hae (*Gen. 25:7–11*).

**Ithute thuto ea beke ena ho lokisetsa Sabatha sa la 21 Motšeanong.*

Thaba ea Moria

Bala Genese 22:1–12 le Baheberu 11:17. Ke sefe se neng se boleloa ke teko ee? Ke lithuto life tsa semoea tsa semoea tse teng ketsahalong ee e makatsang?

Genese 22 e fetohile molelloa lefatšeng la lingoliloeng 'me e susumelitse lifilosofara le liqapi, eseng baruti feela. Leha ho le joalo, se boleloang ka teko ea Molimo, se thata ho utlouisisoa. Taelo ena e halalelang e loantšana le taelo e latelang ea thibelo ea ho etsa lihlabelo ka batho (*Lev. 18:21*), 'me e bonahala e ne e sebetsa khahlanong le tšepiso ea Molimo ea selekane sa Molimo sa ka ho sa feleng ka Isaaka (*Gen. 15:5*).

Joale, sepheo sa Molimo sa ho molaela ho etsa see ke e n'e le sefe? Hobaneng a mo leka ka ntho'e boima hakaalo?

Se boleloang ke Bibe le ka "teko" (ka Seheberu, *nissah*) se fupere ntlha tse peli tse fapaneng. E bontša taba ea kahlolo, ke hore, kahlolo e etsoang ho tseba se ka pelong ea ea lekoang (*Deut. 8:2; bapisa le Gen. 22:12*). Empa e boetse e tlisa tiisetso ea mohau oa Molimo ho ea lekoang (*Exoda 20:18–20*).

Ka hona, tumelo ea Abrahamama ho Molimo e mo isa moo a leng kotsing ea ho lahlehelo ke "bokamoso" ba hae (meloko e hlhlamang). Empa, kaha a ne a tšepa Molimo, o tla etsa seo Molimo a se batlang, ho sa natsoe hore na se thata hakae ho ka utloisiseha. Ntle le mona, tumelo ke eng haese ho tšepa leha re sa bone, re sa utloisise ka botlalo?

Hape, tumelo ea Bibe le, e mabapi le bokhoni ba rona ba ho fa Molimo le ba ho mo etsetsa sehlabelo—leha seo se e na le karolo eo se e bapalang, ha ho potang (*Baro. 12:1*)—empa mabapi le bokhoni ba rona ba ho mo tšepa le ho fumana mohau oa hae re utloisisa kamoo u sa re lokeleng kateng.

'Nete ena e boela e tiisoa ho se latelang. Mesebetsi eohle ea Abrahamama e mengata le ketso tse matla, leeto la hae le bohloko le mora hae, le ho ikemisetsa ho mamela le ho fa Molimo kahohle kamoo a ka khonang kateng, leha ho ruta hakaalo, ho ne ho keke hoa mo lopolla. Hobaneng? Hobane Jehova ka boeena o ne a hlophile pheleu bakeng sa sehlabelo se reriloeng, eo le eona e neng e supa tšepoeng ea hae ea topollo, Jesu Kreste.

Ka hona, Abrahamama o tlameha a ile a utloisisa mohau. Ha se mesebetsi ea rona e re lopollang, empa ke seo Molimo a re etsetsang sona (*Baef. 3:8; bapisa le Baro. 11:33*), leha ho le joalo, joaloka ka Abrahamama, re biletsoa ho sebeletsa Molimo joaloaka liketso tsa Abrahamama li bontša (*Jakobo 2:2–23*).

Pale ea Abrahamama le Isaaka thabeng ea Moria e reng ka tumelo ea hao, ho uena u le motho, le kamoo u bontšang tumelo kateng?

Molimo O tla Iponela

Bala Genese 22:8, 14, 18. Molimo o ile a phehatsa tšepiso ea hae ea hore o tla iponela joang? Ke sefe seo a ileng a iponela?

Ha Isaaka a botsa ka nku ea sehlabelo, Abrahamama a fana ka karabo e hlolang: Molimo “o tla ipatlela nku ea sehlabelo’ ” (*Gen. 22:8*). Empa, leha ho le joalo, popeho ea leetsi la Seheberu e ka boela ea bolela hore “Molimo o tla fana ka eena ho ba nku ea sehlabelo.” Kutu-ketso, “ipatlela” (*yir’eh lo*) e sebelisoa ka mokhoa o ka bolelang “ho iphana” (kapa ha o sa hlapolloa, “ipona”).

Seo re se bontšoang mona, ka hona, ke metso ea leano la topollo, ka hore Jehova ka boeena a hlokoatsoe a be a patale kotlo ea libe tsa rona ka boeena!

Bala Johanne 1:1–3 le Baroma 5:6–8. Litema tsee li re thusa ho utloisisa se etsahetseng sefapanong se ileng sa leptjoa shlabelong see sa thabeng ea Moria joang?

Moo, thabeng ea Moria, nako e telele pele ho sefapano, pheleu ea sehlabelo “e tšoasehileng lihlahleng ka manaka” (*Gen. 22:13*) e n’e supa hantle ho Jesu. Ke eena ea “bonoang” mona, joalokaha Abrahamama a hlalosa hamorao, “Thabeng eo Jehova a iponahalitseng ho eona” (*Gen. 22:14, MT*). Jesu ka sebele o supile boporofeta bo buuoang ke Abrahamama mona, ha a pheta puo ea Abrahamama: “ ‘Ntat’ a lona Abrahamama o ile a thabela ho bona tsatsi laka, ‘me a le bona, a nyakalla ke hona’ ” (*Johanne 8:56*).

“E n’e le ho thophothetsa bo nnete ba evangeli ka kelellong ea Abrahamama, hape le ho leka tumelo ea hae, ka hore Molimo a mo laele ho bolaea mora hae. Bohloko boo a ileng a bo mamella nakong ea matsatsi a matso a teko eo e tšosang e ile ea lumelloa hore a utloisise ho tsoa maiphihlelong a hae, se seng ka boholo ba sehlabelo se entsoeng ke Molimo o se nang pheletso bakeng sa topollo ea motho.”—Ellen G. White, *Patriarchs and Prophets*, leq. 154.

Ke joang se etsahetseng moo se re thusang ho utloisisa se etsahetseng sefapanong betere le seo Molimo a fetileng hara sona bakeng sa rona? Karabelo ea rona ho seo a re etselitseng sona e tlameha ho ba joang?

Lefu la Sara

Ho Genese 22:23, re bona tlaleho ea tsoalo ea Rebeka, e tlišang lenyalo la hamorao la Isaaka le Rebeka (*Genese 24*). Ka ho tšoana, tlaleho ea lefu le ho patoa hoa mosali oa Abrahamama, Sara (*Genese 23*), e tsoala lenyalo la hae la hamorao la hae le Keture (*Gen. 25:1–4*).

Bala Genese 23. Ke tšebetso efe eo pale ea lefu le kepele oa Sara li e bapalang phethahatsong ea seo Molimo a se tšepisitseng Abrahamama?

Hore ho buuo e ka ka lefu la Sara hang kamora pale ea sehlabelo sa Isaaka, e supa hore e ka nna eaba o ile a angoa ke ketsahalo ena, e batlileng e nka bophelo ba mora hae. Ka tsela e itseng, Sara le eena o ile a ameha “tekong” ena le monna oa hae, hantle joalokaha ho ile hoa etsahala maetong a hae, le moo a ileng a lula a khibela tumelong (*Gen. 12:11–13*).

Sara e n’e se mofuta oa mosali ea ka tholang ha hona le ntho’e bohlokoa kapa e mo khathatsang (*bapisa le Gen. 16:3–5; Gen. 18:15; Gen. 21:9, 10*). Bosieo ba hae le ho khutsa hoa hae, le eona nako eo lefu la hae le etsahalang ka eona kamora ketsahalo eo e mahlonoko, e fupere tse ngata malebana le bohlokoa ba ketsahalo tsena ho feta boteng ba hae ketsahalong eo. Taba ea hore Sara o ne a se a tsofetse e ea boleloa (*Gen. 23:1*), ha ho buuo ka hore Abrahamama e n’e se e le motsofe (*Gen. 24:1*), e bontša bohlokoa ba hae paleng ena.

Haele hantle, Sara ke eena feela mosali eo lilemo tsa hae li boleloang ka Testamenteng ea Khale, eleng se bontšang bohlokoa ba hae paleng ena. Tsepamiso ea maikutlo moo lebitla la Sara le rekoang teng (e nkang boholo ba khaolo), ho e na le lefung la hae, e toboketsa kamano lefatše la Pallo.

Tlhaloso ea hore o shoeletse “Lefatšeng la Kanana” (*Gen. 23:2*) e toboketsa metso ea lefu la Sara lefatšeng la Molimo la Pallo. Sara ke eena oa pele oa shoa le ho epeloa lefatšeng la Pallo lelokong la Abrahamama. Khatseho eo Abrahamama a nang le eona ka eena, “ ‘molichaba le mojaki’ ” (*Gen. 23:4*), le khang ea hae eo a sa e leseng le bara ba Hethe, e bontša hore Abrahamama h’a na thahasello ea ho fumana lebitla feela; taba-taba ke hore a qetelle a ahile naheng ena ka ho sa feleng.

Bala Genese 23:6. See se re bolellang malebana le mofuta oa tlhompho eo Abrahamama a neng a e na le eona? Hobaneng see se le bohlokoa ho utloisisa hore na k’eng eo Jehova a ileng a mosebelisetsa ho se etsa?

Mosali oa Isaaka

Genese 24 e pheta ea lenyalo la Isaka kamora lefu la Sara. Pale tse peli li'a nyallana.

Bala Genese 24. Hobaneng ha Abrahamama a khathetsehile haholo hore mora hae a se ke a nyala mosali oa Mokanana?

Joalokaha Abrahamama a batlile naha bakeng sa ho pata mosali oa hae, ka baka la Tšepiso ea Molimo ho litloholo tsa hae ea hore ba tla ruoa naha ena, joale o qophella hore le Isaaka a se ahe ka ntle ho Lefatše la Pallo le eena (*Gen. 24:7*). Hape, khato ea Isaaka ea ho tliša mosali oa hae tenteng ea Sara, le tlhokomeliso ea hore Rebeka a khothatsa Isaaka “kamora lefu la 'm'ae” (*Gen. 24:67*) e supa morao lefung la Sara, ho bontšang bohloko ba Isaaka kamora lefu la 'mae.

Pale ena e tletse lithapelo le likarabo tsa lithapelo e bile e nonne ka lithuto tsa litlholofatso tsa Molimo le tokoloho ea batho. E qala ka thapelo ea Abrahamama. A ikana ka “ ‘Jehova, Molimo oa leholimo le lefatše’ ” (*Gen. 24:3*), thapelo ena, ke kananelo ea Molimo e le 'Mopi (*Gen. 1:1, Gen. 14:19*), ka tsoalo e hlakileng ea litloholo tsa Abrahamama, tse akhang le eena Mesia.

Ho buoa ka “ ‘Lenyeloi la hae’ ” le hoba “ ‘Jehova Molimo oa leholimo’ ” (*Gen. 24:7*), e supa morao lenyeloing la Jehova le tšileng ho tla lopolla Isaaka hore a se selakhoe le tsoa leholimong (*Gen. 22:11*). Molimo o laolang maholimo le mafatše, lenyeloi la Jehova le keneng lipakeng ho lopolla Isaaka, le tla etella pele taba ena ea lenyalo.

Leha ho le joalo, Abrahamama o sia khonahalo ea hore mosali a ka se arabele pitso ea Molimo e bulehile. Leha a le matla hakaalo, Molimo ha a qobelle batho ho mo mamela. Leha leano la Molimo ka Rebeka ele ho latela Eliezare, o lutse a na le khetho ea hae ea ho ikhethela ka bolokolohi. Ke hore, khonahalo e n'e le teng ea hore mosali a ka se batle ho tla, ebang ho le joalo, a ka se qobelloe.

Ka hona, mona e bona mohlala o mong oa misteri e kholo ea kamoo Molimo a re fileng, re le batho, bolokolohi ba ho ikhethela, bolokolohi boo a ke keng a bo hatakela ka maoto. (Ha a ne a ka etsa joalo, e ne e keke eaba ke bolokolohi ba ho ikhethela.) Leha ho le joalo, ho sa natsoe bonnete ba bolokolohi ba batho ba ho ikhethela, re ntse re ka tšepa hore qetellong, lerato le botle ba Molimo, ka 'nete li tla hlola.

Ke hobang ho khothatsa hakaale ho tseba hore leha e se ntho tsohle tseo eleng thato ea Molimo, o ntse a nkile taolo? Mohlala, Boporofeta bo kang ba Daniele 2, bo tiisa taba ee joang?

Mosali Bakeng sa Abrahamama

Bala Genese 24:67–25:1–8. Ke sefe se boleloang ke liketsahalo tsee tsa ho qetela bophelong ba Abrahamama?

Kamora hore Sara a hlokahale, Abrahamama o ile a nyalahape. Joaloka Isaaka, o oa tšelisoa kamora lefu la sara (*Gen. 24:67*). Ruri mehopolo eo a nang le eona ka Sara e tlameha e ne ntse e hlakile kelellong ea Mopateriareka, joalokaha ho etsahe ho mora hae.

Leha ho le joalo, mosali enoa oa hae e mocha ha a tsejoe hantle. Taba ea hore mopheti oa pale o amahanya bara ba Keture le bara ba Agare, ntle le ho boela lebitso la Keture, e bontša hore, ho ka etsahala hore e be Keture (joalokaha ba bang ba hlahisitse) ke Agare. Hape ho bohlokoa hore e be Abrahamama o tsoara bara ba Keture joaloka ba Agare: o oa ba balehisa hore ba se hahlameloe ke semoea sefe kapa sefe, ebile o etsa phapang e hlakileng pakeng tsa bara ba hae le Sara le bara ba bang ba hae.

O boetse o fa Isaaka “sohle seo a nang le sona” (*Gen. 25:5*) e be o fa “basali sa lirethe limpho” (*Gen. 25:6*). Khethollo ea basali ka hore ke “lirethe” e ka boela ea bontša hore boemo ba Keture, joaloka ba Agare, ke ba serethe. Se ka etsahalang bakeng sa ho etsa qeto ea hore Keture ke Agare ho ka boela hoa hlalosa hore e be ho buuo ka sehopotso sa Sara ketella-peleng ea lenyalo la Abrahamama le Keture le Agare.

Se thahasellisang ke hore ho Genese 25:1–4, 12–18, ho fanoa ka lethathamano la bana ba Abrahamama le Keture, ’moho le la bana ba Ishmaele. Mohlomong sepheo sa ho thathamisa leloko lena la lenyalo la Abrahamama le Keture, ea mo fileng bara ba 6, papisong le bara ba hae ba babeli (Isaaka le Ismaele), ke ho fana ka bopaki Abrahamama e tlabatlabat’ a lichaba-chaba e sale sethathong.

Leloko la bobeli le malebana le litloholo tsa Ishmamele, eo le eena a bileng le meloko e 12 (*bapisa le Gen. 17:20*), hantle joalokaha ho tla etsahala ka Jakobo (*Gen. 35:22–26*). Leha e le hore, selekane sa Molimo se tla feela peong ea Isaaka feela (*Gen. 17:21*), eseng Ishmaele, eleng taba eo Mangolo a hlakileng ka eona.

Tlaleho ea lefu la Abrahamama e hlahang pakeng tsa meloko e ’meli (*Gen. 25:7–11*) e boetse e paka tlhohonolofatso ea Molimo. E bontša phethahatso ea tšepiso ea hae ho Abrahamama, e entsoeng lilemo-lemo pele ho moo, ea hore o tla epeloa “‘ha u se u holile ho hotle’” (*Gen. 15:15*) a bile a “tletse ka lilemo” (bapisa le Moeklesia 6:3).

Qetellong, Jehova o ile a tšepahalla litšepiso tsa hae tsa mohau ho mohlanka oa hae ea tšepchang, Abrahamama, eo tumelo ea hae e bontšoang e le mohlala o moholo Mangolong, e bang e se oona o fetang eohle ea e teng Testamenteng ea Khale oa ho pholoso ka tumelo (*sheba Baro. 4:1–12*).

Nahanisisa ka Botebo: Kaha Abrahamama e ne e le moporofeta ea sa tloaelehang eo Molimo a tla arolelana merero ea hae ka eena (Gen. 18:17), Molimo o kene ka hare ho botho ba Abrahamama a arolelana le eena, ho fihlela boemong bo itseng, leano la hae la topollo ka sehlabelo sa mora oa hae.

“Isaaka e n’ e le setšoantšo sa mora oa Molimo, ea ileng a etsoa sehlabelo bakng sa libe tsa lefatše. Molimo o ile a fa Abrahamama evangeli ea pholoso ea batho. E le ho phethahatsa sena, le ho etsa ’nete ena e phele ho eena, le ho leka tumelo ea hae, o ile a etsa hore a selakhe mora oa hae eo a mo ratang. Bohloko le masoabi oohle ao Abrahamama a ileng a feta hara oona nakong ea teko e thata eo, li ne li reretsoe ho etsa hore a utloisise leano la topollo ea batho ba oeleng hantle. O ne a reretsoe ho etsa hore a utloisise ka ho ba le maiphihlelo a kamoo ho iketsa sehlabelo hoa Molimo o se nang pheletso ea intšitseng sehlabelo a fana ka mora hae ea inotsi bakeng sa ho lopolla batho koluoeng ea ka ho sa feleng. Ho Abrahamama, ha hona tlhokofatso ea kelello e ka fetang eo a e mameletseng nakong eo a mamelang taelo e halalelang ea hore a etse sehlabelo ka mora oa hae.”—Ellen G. White, *Testimonies for the Church*, vol. 3, leq. 369.

“Abrahamama o ne se a tsofetse, a shebela lebitla haufi; empa o ne a sa saletsoe ke ho etsa ntho e le ’ngoe bakeng sa etsa bo ’nete ba hore phethahalo ea se tšepisitsoeng litlohlo tsa hae e ea etsahala. Isaaka e ne e le eena ea khethiloeng ho nka sebaka sa hae sa ho boloka molao oa Molimo le ho ba ntata batho ba khethiloeng ke Molimo, empa o ne a e-so nyale. Baahi ba Kanana ba ne ba inehetse borapeli ba litšoantšo, ’me Molimo o ne a thibetse batho ba hae ho nyalana le bona, ka ho tseba hore manyalo a joalo a tla tlisa bokoenihi. Mopateriareka o ile a tšoha litla-morao tsa tšusumetso e mpe e neng e pota-potile mora hae. . . . ka kelellong ea Abrahamama, khetho ea mosali bakeng sa mora hae e n’ e le bohlokoa-hlokoa; o ne a e-na le khathatseho ea hore a bone hore o nyala motho ea sa tlo mo tlosa ho Molimo. . . . Isaaka, ka baka la ho tšepa bohlahe le lerato la ntat’ae, o ne a thabetse ho tlohela taba ena ho eena, a boetse a lumela hore Molimo o tla etella pele khetho e tla etsoa.”—Ellen G. White, *Patriarchs and Prophets*, leq. 171.

Lipotso tsa ho Qoqa:

- ❶ Ka sehlopheng, buoang ka ho lumela ho etsa Isaaka sehlabelo hoa Abrahamama. Leka ho nahana mofuta oa tumeloo o bontšoang ke ketsahalo ena. Se makatsang ke sefe, ha ka ho tšoana, se khathatsang ke sefe ka pale?
- ❷ Bolokolohi ba ho ikhethela bona? Ke hobaneng ha tumelo ea rona e sa utloahale ntle le bona? Ke mehlala efe eo re nang le eona ea bolokolohi ba ho ikhethela ka Bibeleng, ’me ke joang, ho sa natsoe khetho tse mpe tseo batho ba li etsang, qetellong ho etsahalng thato ea Molimo?